

oûn puó, i zi missi a magnà li treie. Intánto chi li magníva, i sénto de recávo oûn gran rimúr intúl camein, e zú oûn áltro miézo cristián. L'áltro s'invilíva; el ga deí Ganzán: — „Curájo, cunpáre; nu ve stí a invileí, che priésto i sarémo in quátro, par fá oûna parteia a li cárte.“ — De fáti, a li dúi i zi stádi in quátro. El deí Ganzán: — „Gioústo biél, chi farémo oûna parteia a breíscula: meí e teí, chi siémo cunpáre, i starémo insiéme. E i g'úo fáto oûn sáni<sup>18)</sup> a sti dúi, a cardándo<sup>19)</sup> chi fuóssó veívi; ma i gíra muórti, líri.

— „Sáni“<sup>4)</sup>, i ga deí i Ciusuóti; ma quij áltri cu la man i g'úo fáto de muóto chi nu zi veívi; ma listíssó, i uó zugá a li cárte, i dúi Ciusuóti. De là a oûn puó, sti muórti g'úo fato muóto cu la man de recávo, chi vágo zú da la scála, intún oûn mazaghén<sup>20)</sup>. Ganzán ga deí a Baguleín: — „Ciú el mássó de li candile.“ — E loû, el l'úo ciúlto, e par doûto lá chi passíva, i matíva oûna candila inpissáda. I muórti ga deí: — „Passi preíma vúi dréto, in stu mazaghén.“ — E i Ciusuóti ga raspóndo: chi nu vol passá; ch'a pássó preíma líri. E sti muórti, i zi passádi e, cu i zi stádi intúl mazaghén, i uó livá soûn oûna piána<sup>21)</sup>; e i g'úo viérto oûn depuóssó de uóro e oûn de arzénto, e i ga deí: — „Quísto de uóro spartívalo<sup>22)</sup> miézo vúi áltri, e miézo díghelo a cása miéa; e quíst'áltro de arzénto, dísighe a ma sor che la ga fágo tánta caritá ai puóvari par la ma ánema; ch'a zi doûto ruóba chi vémo rubá ái puóvari. I signémo dúi fardáj<sup>23)</sup>, chi fiémo<sup>24)</sup> i avucáti, e doûto stu uóro e stu arzénto, i lu vémo rubá; e i nu pudiémo<sup>25)</sup> salvásse, si nu ghe lu diémo<sup>26)</sup> indreío doûto.“ —

A sóna quátro úre, a sa sénto de recávo oûn gran rimúr intúl palássio, e i muórti uó spareí veía. Uó rastá sti dúi Ciusuóti súi, e i sénto náma a criá<sup>27)</sup>: — „Ganzán e Baguleín uó dalíbará el palássio!“ — I víva oûna bucalíta de veín, che ga gíra vanzáda de la bareíla; i l'úo bivoûda doûta, cu i uó sintoû chi uó dalíbará el palássio; e duópo i zi zeídi soûn, in stu palássio, e i zi missi a duórmi<sup>28)</sup>. I uó durmeí dúi deí e dúi nuóte. Ven

---

<sup>18)</sup> Brindisi. <sup>19)</sup> Credendo. <sup>20)</sup> Magazzino. <sup>21)</sup> Pietra. <sup>22)</sup> Dividetevelo.  
<sup>23)</sup> Fratelli. <sup>24)</sup> Facevamo. <sup>25)</sup> Potevamo. <sup>26)</sup> Davamo. <sup>27)</sup> Gridare.  
<sup>28)</sup> Dormire.